



12. august 2011

17. januar 2011

EM 2011/21

UPA 2011/40

Inatsisartut Suleriaasianni § 33 naapertorlugu aalajangiiffigisassatut siunnersuut imaat-toq matumuuna saqqummiuppara:

**Illuni kikkunnit tamanit iserfigineqarsinnaasuni imaluunniit amerlasuunik sulisoqarfiutigisuni pisortat sanaartortitsinerini iluarsaassassinikkullu suliaqarnerini (pisortat sanaartortitaat) sanaartornissamut aningaasaliissutit tamakkerlutik 1 %-iinik sanaartukkap silataatigut iluatigullu kusassarneqarnissaannut atugas-sanik Naalakkersuisut immikkoortitsisaqqullugit peqquneqarnissaannik Inat-sisartut aalajangiinissaannik siunnersuut. Aningaasat taakku ingerlatassamut immikkut normulerneqartassapput ukiumoortumillu Aningaasanut inatsisissatut siunnersuummi takuneqarsinnaassallutik.**

(Inatsisartuni ilaasortaq Jane Petersen, Inuit Ataqatigiit)

### Tunngavilersuut

Pisortat suliffiutaanni suliffeqarfiiilu amerlaqisuni angalaaraanni avatangiisit ilisarnaateqanngissusii – kinaassuseqanngissusii – tupinnartarput. Uffa meerarpassuit inersima-sullu ullut tamaasa nalunaaquttag akunnerparujussuini aamma tamakkunaniittaraluartut.

Avatangiisit nuannaalersitseqataasussaapput, ataatsimoortuunermik susassareqatigiin-nermillu pilersitseqataasussaallutik aammalu tassaassallutik ulluinnarni inuunita ilagi-saat, angerlarsimaffitsitut, suliffitsitut, aamma meeqqatsinnut ilinniarfittut paaqqinnittar-fittullu, napparsimasortatta utoqqartattalu isumagineqarfisut, paaqqutarineqarfisullu. Taamaammat pisortat illorsuaataat uummarsartariaqarput, qalipaasersorneqarlutik pigi-neqartutullu isigineqalersinneqarlutik, piukkunnarnerpaassaarlu eqqumiitsuliornikkut ku-sassaasarnissaq pingaartumik allaffeqarfinnut, isumaginnitoqarfinnut, peqqinnissaqar-finnut kiisalu kultureqarnermik ilinniartitaanermillu suliaqarfinnut tunngatinneqarne-ruppata.

Aningaasarpassuit sanaartugassanut iluarsartugassanullu atugassanngorlugit ukiut tama-sa aningaasanut inatsimmi immikkoortinneqartartut maannamiit sanaartugassat tamaasa ataasiakkhaarlugit iluisigut silataasigullu kusassarnissaannut atugassanik ilaqtarinneqartariaqalerput.

Eqqumiitsuliornikkut periaatsit atorlugit illorsuarnik kusassaasarneq takussutissaqareer-poq: Narsami Inuili, Qaqortumi GU, Aasianni Mittarfiup illorsuarta, taakku assersuutigiinnavillugit. Maannamulliuna illorsuit sorliit kusassagaassanersut nalaatsornerinnaasartoq. Maannamiit tamanna nalaatsornerinnakkut aalajangerneqartarunnaartariaqarpoq.

Taamaattumik sanaartugassani kikkunnit tamanit iserfigineqarsinnaasuni iluarsartuussa-nilu annerni aningaasanik kusassaanermut atugassanik immikkoortitsisoqartalissasoq, aningaasallu tamakkua ukiumoortumik Aningaasanut inatsisissatut siunnersuummi taku-

neqarsinnaalernissaat qulakkeerneqaqqullugu Naalakkersuisut peqquneqarnissaat siunnersuuteqarfigaara.

### **Aningaasartuuteqarnikkut allaffissornikku Pisortanut kingunerisassai.**

Siunnersuummi anguniarneqarpoq illuni kikkunnit tamanit iserfigineqarsinnaasuni imaluunniit amerlasuunik sulisoqarfutigisuni eqqumiitsuliornikkut kusassaasarnissaq, taamaattumillu matumanil allaffeqarfinnut, isumaginnittooqarfinnut, peqqinnissaqarfinnu kii-salu kultureqarnermik ilinniartitaanermillu suliaqarfinni sanaartugassanut kusassaa-sarnissaq pingaarnertut sammitinneqartussavaoq. Namminersorlutik Oqartussat kom-munillu sanaartornerannut, matuma nassatarisaanik kusassarneqartartussangorsinnaa-sunut 2006-imi ukiumut aningaasartuutaasimasut 350 mio. koruunit missaaniissi-mapput. Siunnersuut taamanikkut atuuttuuppat kusassaanermut 2006-imi 3,5 millioner koruunit tikillugit immikkoortitsisoqartussaasagaluarpoq. Namminersorlutik Oqartussat kommunillu ukiumiit ukiumut sanaartugassanut immikkoortittagaat allanngorartarmata taamaammat kusassaanermut atortagassat soorunami aamma allanngorartuussapput.

Siunnersuut Namminersorlutik Oqartussat kommunillu annikitsuinnarmik allaffissorne-rulerannik sunniuteqassangatinneqarpoq, tassami pisortat sanaartortitsisutut sulias-saanni kusassaasarnissaq piumasaqaatinngortinnejqaraluarpat aamma ilaariissammat.

Siunnersuut timitaliivigineqarpat pisortat illuutaanni aserorterinerit sequtserinerillu annikilleriarnerannut aamma sunniuteqassaaq, taamaalillunilu inuiaqatigiinnut ileqqaarutaa-lissalluni.

### **Aningaasartuuteqarnikkut allaffissornikku namminersorlutik inuutissarsiute-qartunut kingunerisassai.**

Siunnersuut namminersorlutik inuutissarsiuteqartunut aningaasartuuteqarnikkut allaffissornikkullu sunniuteqartussaanngilaq.

### **Aningaasarsiornikkut allaffissornikkullu innuttaasunut kingunerisassai.**

Siunnersuut innuttaasunut aningaasartuuteqarnikkut allaffissornikkullu kinguneqartusaanngilaq. Paarlattuanilli naatsorsuutigisariaqarpoq siunnersuut innuttaasut tarnikkut timikkullu ilorrisimaarnerulernissaannut pitsaasumik sunniuteqassasoq, taamaalillunilu pisortat illuutaanni aserorterisarnerit sequtserisarnerillu annikilleriarnerannut pissutaa-qataassalluni. Siunnersuutip piviusunngortinnejqarnerata aamma kingunerissavaa kalaallit eqqumiitsuliortut sanaluttartullu annermik atorfissaqartinnejqalernerat, taamaalillunilu pisortat akileraarutitigut isertittagaat annertuseriarnerannik aamma kinguneqassalluni.